

*B. Nicolai Albergati renovatum fuit, ut in ejus Bullario. Vide num. 579 seqq.*

1195. Festum sanctorum martyrum Cornelii et Cypriani a propria die perpetuo amotum, die septima infra octavam Dedicationis non impedita ab alio festo, celebrari deinceps in civitate Perusina pro conventu Capuccinorum posse non improbat, S. R. C. 28 Nov. 1744, in *Perusina*. Hoc decretum est generale. Vide n. 1184 et 1197.

1194. Occurrente festo Dedicationis propriae ecclesiae in die S. Silvestri, Officium S. Silvestri non est transferendum ad annum sequentem, sed celebrandum in ipsomet die Dedicationis cum commemoratione ejusdem S. Silvestri, S. R. C. 23 Jan. 1745, in *Lunen. Sarzanen. ord. S. Francisci de Observ.*: Officium sancti Silvestri: hoc decretum est universale pro omnibus Officiis, et diebus infra annum occurrentibus. Vide n. 963 et 1511.

1195. Prima die mensis impedita duplici aut semiduplici, cum ex praescripto rubricarum Officium defunctorum et Missa conventualis de *Requiem* non sint celebranda, Officium et Missa hujusmodi differenda sunt ad aliam diem non impeditam juxta Rubricas, S. R. C. 22 Mar. 1745 in *una Eporegien.*

1196. Quando plura Officia de praeepto eadem die in aliquibus locis ita fixe occurrant, ut translatio alicujus, seu aliquorum sit perpetua, tunc prima dies proxime non impedita, assignata censetur in perpetuum pro die propria festi respective translata, S. R. C. 15 Maii 1745, *Poloniae in una ord. Discalceat. SS. Trinitatis*. Officia de praeepto: semiduplicia intellige, et duplicia vide n. 1178. Prima dies proxime non impedita: attento ritu, et dignitate personae. Vide numer. 1162. An vero assignatio fieri possit infra aliquas Octavas, consule n. seq., 1161 et 1184.

1197. Festa plura de praeepto eadem die occurrentia possunt stabiliri infra illas Octavas privilegatas, quae hujusmodi festa occurrentia non excludunt, licet excludant translata, ut est Octava Corporis Christi, quae admittit duplicia occurrentia, non autem translata. Stabiliri autem non possunt infra eas Octavas, quae hujusmodi festa occurrentia excludunt juxta regulas praescriptas in rubrica de *Octavis num. 5*, S. R. C. 15 Maii 1745, *Poloniae in una Ord. Discalceat. SS. Trinitatis*: Infra illas Octavas, quae hujusmodi festa occurrentia non excludunt: infra Octavas igitur fit de festis duplicibus, et semiduplicibus occurrentibus etiam translatis; sed hoc modo circa semiduplicia tantum: Quando occurrunt in die festo habente Octavam, vel in Dominica infra Octavas, vel in festo duplici infra Octavas, dummodo dies immediate sequens sit libera, reponenda sunt Officia semiduplicia cum commemoratione Octavae: alioquin ultra non sunt protrahenda, ex decretis S. R. C. et Rub. Brev. decima de Translatione festorum n. 5. Infra Octavas autem Paschae, et Pentecostes non fit de festo aliquo, etiam principali Patrono, vel titulari Ecclesiae, vel de Dedicatione ejusdem, sed transfertur post Octavas. Infra octavam Epiphaniae fit tantum de Patrono, vel titulari ecclesiae, de Dedicatione ejusdem, et de duplici primae classis occurrente (non tamen in die octava) cum commemoratione tamen Octavae. Infra Octavam Corporis Christi fit tantum de duplicibus, non tamen translatis, nisi sint primae vel secundae classis, et in die octava neque de duplici secundae classis occurrente, facta semper commemoratione Octavae, ex Rub. Brev. vii, de *Octavis n. 5*. Commemoratio vero Octavae nunquam omittitur, nisi in solemnioribus, scilicet primae et secundae classis, exceptis Octavis Nativitatis, Epiphaniae, et Corporis Christi, Rub. Brev. cit. Vide n. 724.

1198. Cum in die octava beati Joannis de Dukla compatrioti regni Poloniae incidat perpetuo festum S. Annae genitricis B. M. V., qui dies magna cum

devotione populi frequentatur, quaeritur, an obeat fieri Officium de S. Anna, cum commemoratione Octavae beati Joannis de Dukla. Responsum fuit, de die octava beati Joannis de Dukla compatrioti regni habendum esse Officium, S. Annae vero die prima non impedita habendum esse, sac. R. C. 15 Maii 1745, *Poloniae in una ord. Excalceat. SS. Trinitatis*. Officium S. Annae die prima non impedita: Praeceptum vero audiendi Missam non transfertur. Hoc praeeptum est generale, et rubricis Breviarii conforme. Aliud resolvitur pro gratia S. Annae in Cracoviensi. Vide n. 1188.

1199. Non est reprobandus parochus qui deserit SS. Viaticum infirmo feria sexta in Parasceve, dummodo private, et submissa, quinimo submississima voce, recitet psalmos consuetos per vias publicas, etiamsi dicat vers. *Gloria Patri*, etc., quia in tali circumstantia actio talis nullam habet connexionem cum functionibus ecclesiae hujus diei, et considerandum est, quod deserit cum stola, atque pluviali albi coloris, quando in feria supradicta color paramentorum est niger pro ecclesiae functionibus. Ideoque si deserit privatim pro aliqua necessitate non est reprobandus, si populum absque benedictione dimittat feria sexta in Parasceve, quia in publica ecclesia non debet recondi, S. R. C. 15 Maii 1745, in *Lucana*.

1200. Licet episcopo observari facere caeremoniam candelae accensae in Confirmatione conferenda, utpote ab Ecclesia receptam, seu fidei protestativam, et meritoriam, S. R. C. 15 Maii 1745, in *Portugallen*.

1201. Non licere Tertiariis sacerdotibus S. Francisci in numero decem et octo, seu viginti nuncupatis congregatis B. M. V. de Oliveira in diocesi Portugallensi deferre mozzettam ad instar episcoporum; et episcopos etiam auctoritate sac. congr. pro censuras, si opus sit, eos obliget ad illam deponendam, declaravit S. R. C. 15 Maii 1745, in *eadem Portugallen*.

1202. An non obstante decreto prima Sept. 1607, aut alio quocumque, possit quis in festo Omnium Sanctorum post secundas Vesperas, etiam Vesperas Vigiliae defunctorum una cum Matutino et Laudibus recitare, facereque fructus suos, aut an obligetur sub peccato obedire praedicto decreto, et secunda Novembris dictum Matutinum cum Laudibus recitare, facereque fructus suos. Et responsum fuit: Privata Officii defunctorum recitatio pro generali illorum commemoratione absolvi licite potest post vespertinas Horas festi Omnium Sanctorum, in choro autem juxta rubricas adimplenda est mane die secunda Novembris, nisi ut populi commodius et frequentius illis interesse possint, contraria jam faceret consuetudo, S. R. C. 4 Sept. 1745, in *Ratisbonen.*: An praesente episcopo in choro, etiam non accedente legitima causa in hac sanctione expressa, legitime recitari possit post Vesperas. Vide num. 21.

1205. An universa diocesis teneatur ad celebrandum sub ritu primae classis cum Octava de festo titulari ecclesiae cathedralis et civitatis. Responsum fuit: affirmative, S. R. C. 4 Sept. 1745, in *Pernambucen.*: Universa diocesis: etiam de titulo cathedralis tantum, Regulares vero, et Moniales non teneatur ad Octavam. Vide n. 1140, et alios ibi notatos.

1204. Canonici assistentes episcopo in Missa pontificali non albam, sed rochetum, vel cottam, quoquo modo, vel forma ad regionis morem compacta illa sint, et consueta, induere debent una cum amictu subtus dalmaticam, vel aliud chori peculiare insigne, S. R. C. 14 Septembr. 1745, in *Pernambucen.*: Vel aliud chori peculiare insigne: ut sunt tunica pro subdiaconis, planeta pro presbyteris, et pluviale pro dignitatibus, quibus comprehenditur

primicerius, licet auctoritate an sit dignitas, S. R. C. n. 6 et 59; *Carem. episc. lib. 1.*

1205. Quando praebendae non sunt distinctae, duo diaconi assistentes apud solium episcopi erunt primae duae dignitates immediate sequentes post primam. Si autem inter praebendatos canonicos perpetua, non autem accidentaliter esset ordinum distinctio in presbyterales, et diaconales, tunc pro munere assistentiae assumuntur primo duo canonici ex ordine diaconali. Diaconus vero evangelii, et subdiaconus pro epistola, in Missa pontificali inservientes, quando tale onus inter omnes per vices, vel alias juxta ecclesiae consuetudinem distribuendum non sit, erunt alii duo digniores, sive canonici sive dignitates fuerint, qui sequantur in ordine post assistentes canonicos in solio, si, ut supra dictum est, nulla intercedat ordinum vel praebendarum distinctio, S. R. C. 4 Sept. 1745, in *Pernambucen.*

1206. Cum nullus pro vicario generali episcopi determinatus sit locus, sed illum diversum obtineat juxta diversam consuetudinem ecclesiarum; ideo scribendum episcopo, ut de sua respondeat ecclesiae praxi, S. R. C. 4 Sept. 1745, in *Pernambucen.* Vide n. 16 et 221.

1207. Officium parvum B. M. V. in diebus simplicibus et ferialibus, non abrogata tamen consuetudine, quae in contrarium fortasse vigeret, tuto potest omiti, et in bona conscientia, S. R. C. 4 Sept. 1745, in *Pernambucen.*: Non abrogata consuetudine quoad consilium, non autem ex praeepto, cum non sint cogendi canonici ad recitationem in choro ex consuetudine, et synodo, Officii parvi B. M. V. Defunctorum, etc. Vide n. 1510.

1208. An clerici saeculares choro non astricti possint recitare de sanctis ordinis Carmelitani, si sint ejusdem Tertiarii. Responsum fuit affirmative, S. R. C. 4 Sept. 1745, in *Pernambucen.* Vide n. seq., 11, 659 et 1276.

1209. An clerici saeculares professi in militari ordine D. N. J. C. possint recitare de sanctis, de quibus recitant ejusdem ordinis claustrales. Et responsum fuit, cum clausula, dummodo non sint choro astricti, S. R. C. 4 Sept. 1745, in *Pernambucen.* Vide n. ant.

1210. De Titulari ecclesiae cathedralis in genere, commemoratio inter suffragia solummodo habenda est per illos, qui sunt de gremio Ecclesiae; secus si esset insimul Patronus principalis civitatis, *sacra Rituum Congr. 4 Sept. 1745, in Pernambuco.* Vide num. 570 et 1294.

1211. In diocesi Januensi die 21 Novembris fit Officium patrocinii B. M. V. et in toto dominio ejusdem fit etiam Officium patrocinii B. M. V. de Misericordia die 18 Martii: quaeritur, an clerici saecularis et regularis oppidi Novarum diocesis Dertonen. in Dominio Januen. possint et debeat recitare utrumque Officium concessum die 21 Novembris, et 18 Martii. Responsum fuit affirmative, *sacra Rituum congregatio 19 Januarii 1745, in eadem Dertonen.*

1212. Vigore decreti Sanctissimi D. N. Benedicti XIV, editi sub die 12 Aprilis 1742; in actis sacrae congregationis exhibitis, potest Ordinarius Rhegiensis provinciae Bononiensis in feria quinta post Sexagesimam absque alia ulteriori facultate, solemnium pompa festum sancti Aloysii Gonzaga cum communi generali, indulgentia plenaria, et Missa ejusdem sancti, celebrare juxta consuetudinem, ac respective in perpetuum assignare Patribus Societatis Jesu feriam praedictam post Sexagesimam pro spirituali populorum profectu, S. R. C. 19 Januarii 1746, in *eadem Rhegiens. provinciae Bononien.*

1215. Potest ulterius transferri Officium S. Raymond de Pennafort ob occurrentiam fixam Desponsationis, relinquendo diem 28 Januarii vacuum, ut festum Nominis Jesu ponatur illa die, et non celebretur in Quadragesima, quando contingit illud transferri, ex eo quod Dominica secunda post Epipha-

niam assignata huic Officio, aliquando incidit in Dominica Septuagesimae sac. Rit. *congreg. 7 Maii 1746, in Varsavien.* Hoc decretum est generale, et respicit Officium S. Agnetis, ac omnia Officia transferenda in aliam diem extra 28 Januarii. Vide n. 979.

1214. Quando festum Purificationis occurrit in aliqua Dominica secundae classis, ejus Officium transferendum est in feriam secundam immediate sequentem, quamvis impeditam, translato ab ea quocumque alio festo, ne continuatio mysterii Domini Incarnationis diu protrahatur, S. R. C. 7 Maii 1746, in *Varsavien. in explic. Rubricae Miss. de Bened. Cand.* Translato ab ea quocumque alio festo: intellige minoris vel aequalis ritus incidente. Vide n. 1234.

1215. Semel, et pro semper assignare potest Ordinarius diem non impeditam extra Dominicam, et Octavas sanctorum, festis sanctorum ad libitum, non immutata tamen lege sanctorum ad libitum, S. R. C. 7 Maii 1746, in *Varsavien.*: Non immutata lege sanctorum ad libitum: quomodo id intelligi debeat, vide n. 556.

1216. Non potest continuari Officiorum recitatio, quae concessa sunt in aliquibus diocesisibus a aliquo tempore; ut sunt de sanctis martyribus Corcomiensibus 9 Julii, et de S. Erasmo episcopo martyre 5 Junii pro Belgio, sub ritu duplici ad libitum, cum nullum fundamentum sit horum Officiorum extensionis ad regnum, S. R. C. 7 Maii 1746, in *Varsavien.*

1217. Festa simplicia perpetuo impedita, ita ut de illis nequidem commemoratio perpetuo fieri possit, non potest Ordinarius loci assignare diem aliam illis festis impeditis, S. R. C. 7 Maii 1746, in *Varsavien.* Vide n. 1252.

1218. Consuetudo antiqua et immemorabilis dicendi Officia de aliquo sancto sufficit ad licite continuandum ut illud recitetur, dummodo immemorabile respiciat festum in Romano Martyrologio descriptum, sin minus, negative, S. R. C. 7 Maii 1746, in *Varsavien.*: In Martyrologio descriptum: quid de sanctis non descriptis in Martyrologio, vide n. 650.

1219. Cum inter caetera Officia Patronorum regni Sueciae a S. R. C. approbata, et sub die 25 Maii 1616 extensa ad regnum Poloniae, reperitur festum reliquiarum in ecclesia Hispanensi, Dominica proxima post festum S. Matthaei celebrandum, et dioceses regni Poloniae varie celebrent illud, aliae enim praedictum festum impeditum a festo altioris et aequalis ritus in Dominica praefata occurrente illo anno omittunt juxta decretum a S. R. C. emanatum sub die 20 Martii 1655. Aliae vero dioceses, non obstante praedicto decreto, transferunt illud in primam diem non impeditam secundum alia decreta emanata sub die 16 Septembris 1750, et sub die 5 Maii 1756. Et responsum fuit, Officium reliquiarum, quod celebratur prima Dominica post festum S. Matthaei, si talis Dominica fuerit Officio altioris ritus impedita, poterit in aliam diem non impeditam transferri, S. R. C. 7 Maii 1746, in *Varsavien.*: Poterit in aliam diem non impeditam transferri: tanquam Officium de praeepto, ut in n. 989 et 1258.

1220. Supplicatur, quid faciendum in diocesisibus Cracoviae, et Posnaniae, in quibus jam a tribus annis nihil sit de festo reliquiarum, quae reperitur in Ecclesia Hispanensi, juxta alia iterum decreta ab eadem S. R. C. sub 5 Junii 1617, et 12 Maii 1615, et 5 April. 1625, ideo ad uniformitatem diocesisum supplicatur humillime declarari, an debeat praedictum Officium recitari, etsi impeditum sit a festo altioris ritus occurrente in praefata Dominica, vel possit, necne, transferri ad primam diem non impeditam non obstante citato decreto. Et responsum fuit: Officium reliquiarum praedictarum, impedita Dominica a festo altioris ritus, in diem aliam non impeditam

transferri, S. R. C. 7 Maii 1746, in Varsavien. Vide num. ant.

1221. Cum Officium gratiarum actionis pro victoria de Turcis obtenta pro Polonia concessum sit, atque approbatum a S. R. C. sub die 21 Januarii 1659, sub ritu duplici, et Missa nulla sit ordinata, varie illam sacerdotes dicunt, alii dicunt votivam de SS. Trinitate cum secunda oratione pro gratiarum actione, ut in Missali; alii vero Missam quidem dicunt de sanctissima Trinitate, sed orationem dicunt ex Officio, et quidem unicam, Evangelium etiam conforme Officio, non illud, quod est in votiva de sanctissima Trinitate: ideoque ad tollenda dubia supplicatur declarari qualiter debeat dici Missa, num priori modo, an posteriori, utpote in quo Missa est conformior Officio. Responsum fuit: Exhibeant Officium concessum, ut ex ipso designari possit Missa, S. R. congreg. 7 Maii 1746, in Varsavien.

1222. Cum prescriptum sit, dicendum esse Officium de Dedicacione in ipsa die consecrationis a clero illius ecclesie, quae consecratur, dubium est, utrum episcopus consecrans, etiam non Ordinarius loci, debeat dicere idem Officium de Dedicacione. Et responsum fuit negative quoad preceptum; poterit tamen, si velit, ex congruentia, S. R. C. 7 Maii 1746, in Varsavien.

1223. Commemoratio de SS. Sacramento in Missis privatis poterit fieri, quando ejus expositio fiat pro publica causa, etiamsi Sacramentum expositum sit in pyxide, sac. R. C. 7 Maii 1746, in Varsavien.: Commemoratio in Missis privatis poterit fieri: exceptis diebus primae vel secundae classis. Vide n. 1010 et 1106.

1224. Missae de Requiem, extra altare, ubi est expositum sanctissimum Sacramentum etiam in pyxide, poterunt celebrari, dummodo tamen oratio coram sacramento non sit pro publica causa, S. R. C. 7 Maii 1746, in Varsavien. Vide num. ant. et seq.

1225. Genuflexio utroque genu est facienda a transeuntibus ante sanctissimum Sacramentum, etiamsi fuerit in pyxide patenter expositum, S. R. C. 7 Maii 1746, in Varsavien.: Genuflexio utroque genu: quid de sacerdote Missam celebraturo, et de cruce ferente, vide n. 25, 278 et 314.

1226. Quando frequenter fiunt expositiones Sanctissimi publice in majore altari, et praeter Missam solemnem, dicuntur etiam Missae privatae ad idem altare majus, an etiam in Missis privatis ad altare majus, et ad alia altaria minora, durante expositione Sanctissimi poterit fieri commemoratio de Sacramento durante expositione. Responsum fuit: Poterit fieri commemoratio de Sanctissimo Sacramento durante expositione, S. R. C. 7 Maii 1746, in Varsavien. Vide num. ant. et sequent. Missae privatae ad idem altare majus: nisi ex necessitate celebranda, ad majorem enim decentiam erit abstinendum, Caerem episc. lib. 1, cap. 12, num. 9. Quid statuatur de Missa solenni, vide n. 481.

1227. Exposito Sanctissimo Sacramento in altari majore, dum sub Magnificat in Vesperis idem altare majus incensatur, an debeant etiam incensari alia altaria, ex eo quod incongruum esse videatur relinquere in altari expositum Sacramentum, et utrumthurificato altari majore, ubi est expositum Sanctissimum, debeat etiam fieri thurificatio illius, in quo est reconditum Sanctissimum in ciborio. Responsum fuit, non esse thure adolenda alia altaria, licet alibi Sanctissimum Sacramentum asservetur, S. R. C. 7 Maii 1746, in Varsavien.: Non esse thure adolenda: ac idem servandum non exposito Sacramento. Vide num. 505.

1228. Transeuntes ante expositam reliquiam S. crucis, utrum debeant genua usque ad terram flectere, vel etiam, an sufficiat semigenuflexio, uti solet fieri coram episcopo: et utrum eadem genuflexio facienda sit ante praedictam reliquiam S. crucis, quae, licet non sit exposita, asservatur tamen occlu-

sa in aliquo altari, aut etiam quando exposita est, sed non apparet, ex eo quod pars illa, quae respicit populum, habeat figuram Christi Crucifixi. Et responsum fuit: Si loco principe reliquia sanctissimae crucis super altare fuerit exposita, tunc transeuntes ante illam unico genu usque ad terram flexo venerari debent; diversimode vero sola capitis inclinatione, si praefata reliquia recondita erit intra custodiam, S. R. C. 7 Maii 1746, in Varsavien.: Tunc transeuntes ante expositam reliquiam SS. crucis: excipe celebrantem paratum, canonicos cathedralis, et collegiatae, non obstante consuetudine in contrarium (qui non genuflexerunt, nisi feria sexta in Parasceve) excepto crucifero, ut eruitur ex Caerem. episcop. lib. 1, cap. 27, num. 7, et cap. 27, num. 12; Rubr. Missal. 7, de Introitu, et 8, de Offert. Vide n. 127, et 1072.

1229. Cum contingat saepius in ecclesiis regularium, vel aliis, praesertim in die Obitus, seu anniversario defunctorum, Missas celebrari a confluentibus sacerdotibus, supplicatur declarari, an sacerdotes, qui recitant Officium de festo duplici, confluentes ad ecclesias sive regularium, sive aliorum, ubi dicitur Officium de semiduplici, possint ibi dicere Missas privatas defunctorum. Responsum fuit negative, S. R. C. 7 Maii 1746, in Varsavien. Ad recte et absolute observandum praesens decretum, et sine scrupulo, vide quae diximus in n. 755.

1230. Recitantes Officium de Martyre, et celebrantes in ecclesiis, ubi dicitur de confessore, utrum debeant se conformare in colore illis ecclesiis, etiam si nulla ibi sit solemnitas. Responsum fuit affirmative, etiam quoad Missam, quae non poterit celebrari de sancto confessore, si color fuerit rubeus, S. R. C. 7 Maii 1746, in Varsavien.: Etiam quoad Missam: sed cum Missali Romano, ubi particulae puta alicujus religionis celebrantur. Vide n. ant. 755 et 894.

1231. An Dominica infra Octavam Beatae Mariae Virginis, ut de S. Maria de Monte Carmelo in Missa, etc., sacerdotes, qui accedunt ad dictam ecclesiam, debeant in ea celebrare Missam de S. Maria cum commemoratione et evangelio Dominicae in fine, et an possit eadem ecclesia celebrare ejusmodi Missam solemnem, prout singulis annis celebrat dicta Ecclesia de Massa absque ulla commemoratione. Responsum fuit: In Dominica infra Octavam, Missae privatae nequeunt dici de festo, sed dicuntur de Dominica cum commemoratione Octavae juxta rubricas, constituto tamen de concursu populi, permittitur unica tantum Missa solennis de Octava, cum Gloria et Credo, absque ulla commemoratione, S. R. C. 5 Septemb. 1746, in una Massa, et Populonii: Constituto tamen de concursu populi, vel alia causa: vide n. 430. Unica recitata oratione de Beata Maria sine commemoratione Dominicae et evangelio ejusdem in fine: vide n. 548, et 1015.

1232. An in exsequiis defunctorum sacerdotum, praesente corpore, subdiaconus se sistere debeat ad caput defuncti sacerdotis, vel ad pedes, juxta opinionem P. Merati. Responsum fuit: Servetur Rituale Romanum, et in exsequiis defuncti sacerdotis praesente corpore locetur crux ad caput defuncti inter feretrum, et altare, S. R. C. 5 Septemb. 1746, in una Massa, et Populonii: Servetur Rituale: ubi dicitur: Finita Missa, sacerdos deposita casula, et manipulo, accipit pluviale nigri coloris, et subdiaconus accipit crucem, accedit ad feretrum, et se sistit ad caput defuncti cum cruce, medius inter duos acoluthos, seu censerarios cum candelabris, et candelis accensis, et omnes alii de clero veniunt ordinati in gradu suo cum candelis accensis, et stant in circuitu feretri. Rit. Rom. de exseq. n. 7.

1233. Officium Sanctissimi Sacramenti, quod recitatur ex privilegio in feria quinta non impeditur per annum a festis duplicibus, vel semiduplicibus, deuptis quoque feriis Adventus, Quadragesimae,

etc., si occurrat in Vesperis cum alio officio semiduplici, dividit Vesperas a capitulo, S. R. C. 1 Julii 1747, in Zagabrien. Vide n. 448 et 1185.

1234. An quando festum Purificationis B. M. V. occurrit in Dominica privilegiata, ejus officium transferri debeat in feriam secundam immediate sequentem, an in primam diem non impeditam festo duplici, vel semiduplici. Responsum fuit: Quando hujusmodi casus intervenerit, Officium Purificationis esse transferendum in feriam secundam immediate sequentem, quocumque festo etiam aequalis, non tantum altioris ritus, in eam incidente, et idem servandum mandavit, quando festum Annuntiationis beatae Mariae Virginis occurrit in Dominica privilegiata; quod si in hebdomada majori, vel Paschali, tunc Annuntiationis Officium pari cum privilegio in feriam secundam post Dominicam in albis transferri voluit, atque hoc decretum generalibus Kalendarum Romani Rubricis adjici precepit S. R. C. 20 Julii 1746, in decreto Urbis et Orbis: Quod si in hebdomada majori: excipe feriam sextam et Sabbatum, de quibus require num. 620 et 1095.

1235. An in ecclesiis sub titulo S. Mariae Angelorum fieri debeat die secunda Augusti officium cum Missa de beata Maria Virgine, prout hactenus servatum fuit, vel potius festum S. Mariae angelorum sit celebrandum die Assumptionis ejusdem. S. R. C. re mature discussa, ad relationem eminentissimi et reverendissimi D. cardinalis Alexandri Albani rescribendum censuit, servari solitum; nempe in casu proposito die secunda Augusti faciendum esse Officium cum Missa de beata Maria Virgine titulari Ecclesiae, prout in festo ad Nives, praeter lectiones secundi nocturni, quae sumende sunt ex secundo nocturno Nativitatis ejusdem beatae Mariae, mutato verbo natali in verbum festivitate, juxta decretum editum die decima Junii anni 1690, in una ord. Min. de Observ. sac. R. C. 7 Sept. 1748, in una ord. Capuccinorum provinciarum Calabriae in Italia Sanctissimo Papae Benedicto XIV suppliciter porrecta, et ad sac. Rit. congreg. eadem die remissa. Servari solitum apud Franciscanos: vide n. 625. Secus apud alios. Vide n. 844.

1236. An Dedicatio Ecclesiae cathedralis, ad quam regulares intra eandem civitatem constituti, sub ritu duplici secundae classis celebrandam tenentur, ultra illius Octavam transferri possit ab iisdem regularibus, si prima dies altiori festo, simulque tota reliqua Octava aliis novem lectionum festis impedita sit. Responsum fuit affirmative, sac. R. C. 11 Januarii 1749, in una ord. Excalceat. S. Augustini provinciae Austriae. Tenentur... ultra illius Octavam transferri... non tenentur vero, imo non possunt Octavam Dedicacionis celebrare, et ligat etiam moniales Ordinariis subjectas. Vide n. 757. Episcopus vero cogere debet eosdem, ut cathedralis Dedicacionem adimpleant. Vide n. 1278.

1237. Festum Patrocinii S. Joseph occurrens in festo altioris ritus transferri potest, non obstante decreto 20 Martii 1685. Nam eadem sac. Rit. congreg. die 26 Novemb. 1735, hanc declarationem edidit: Cum in tota Hispania sit concessum, ut in tertia Dominica post Pascha celebraretur festum Patrocinii S. Joseph sub ritu duplici; quassum fuit, si cadat in illa die festum majoris ritus, an festum Patrocinii S. Joseph sit transferendum ad aliam diem. Et responsum fuit, transferri posse. Haec declaratio facta pro regnis Hispaniae valet etiam pro aliis regnis quibus idem Officium concessum est, S. R. C. 11 Januarii 1749, in una ord. Excalceat. provinciae Austriae: Transferri posse: juxta decretum emanatum de anno 1735, sub n. 960, tanquam officia de precepto, et non gratiose concessa. Vide num. 989, 1238 et 1550.

1238. An festum titolare archiconfraternitatis Septem Dolorum, quod pro regnis, et provinciis

haereditariis augustissima domus Austriae, ab utroque clero sub ritu duplici celebrari debere indultum est tertia Dominica Septembris, cum in religione Sancti Augustini idipsum saepe impediatur ab Octava B. Mariae Virginis et S. Nicolai, ac festum S. Thomae de Villanova eadem Dominica celebratur, possit similiter transferri, praecipue quod hoc festum potius videatur repetitio alterius, quod feria sexta post Dominicam Passionis in Quadragesima celebratur, prout patet ex oratione et lectionibus secundi nocturni, quae sunt eadem. Responsum fuit affirmative. Quia pro statibus Austriacis tale Officium est de precepto: dicitur enim in decreto concessionis die 28 Augusti 1734, Recitari debere. Officia autem de precepto, licet sint fixa certis diebus, si in his impediuntur, transferri possunt juxta decretum S. Rit. C. 5 Maii 1756, in Einsidlen, sac. R. C. 11 Januarii 1749, in una Ordinis S. August. Excalceat. provinciae Austriae. Vide num. anteced. et 989.

1239. An festum Sanctissimi Nominis beatae Mariae Virginis, quod pro regnis, et provinciis Austriae est duplex secundae classis, in occurrentia cedere debeat festo S. Nicolai Tolentini, quod est duplex secundae classis cum Octava, praesertim cum illud Viennae cum solemnissima utriusque cleri processione, maxima exteriori pompa, Indulgentiis etiam plenariis, ac ingenti populi concursu ob liberationem Viennensis civitatis ab obsidione Turcarum celebratur. Responsum fuit negative. Octava enim non elevat ritum. In paritate autem ritus attendi debet tum major dignitas beatae Mariae Virginis juxta rubricam de concurrentia officii tit. xi, n. 2, tum major solemnitas celebrationis et populi concursus juxta decretum die 20 Martii 1685, in quo sic: Si Officia, quae recitari debent in aliquibus regnis, sint ejusdem ritus, et dignitatis, an sit praefendum Officium loci Officio in proprio religionis Kalendario descripto. Resolutum fuit, praefendum esse Officium, quod cum majori solemnitate, et populi concursu celebratur, sac. R. C. 11 Jan. 1749, in una ord. S. Augustini Excalceat. provinciae Austriae: In paritate autem ritus: ut hic asservitur attendi debet major dignitas; secus autem in disparitate ritus, ut videtur est num. 1514. Decretum vero in hac sanctione notatum vide numer. 554.

1240. An ubi habentur insignes reliquiae plurium sanctarum virginum et martyrum e societate S. Ursulae, debeat de illis fieri Officium duplex 21 Octob. cum commemoratione S. Hilarionis, et Ursulae, et sociarum, vel possit aliis distinctis extra illum diem de singulis illarum in particulari, prout hactenus alicubi die 17 et die 19 Decemb. observatum fuit, recitari Officium duplex. Quod si primum fieri oporteat, quaeritur adhuc, an id faciendum, ubi festum SS. Ursulae et sociarum est duplex, vel semiduplex, aut hoc potius in aliam diem non impeditam transferendum sit. Responsum fuit, fieri debere Officium duplex de SS. Ursulae et sociis cum sola commemoratione S. Hilarionis, sicut fit Romae in patriarchali ecclesia S. Mariae Majoris, ubi asservatur caput unius ex sociis S. Ursulae. Et ita pariter fieri debet absque ulla translatione in illis ecclesiis, in quibus festum SS. Ursulae et sociarum aliunde esset duplex, vel semiduplex, sac. R. C. 11 Jan. 1749, in una ord. S. Augustini Excalceat. provinciae Austriae: Insignes reliquiae: quae sint, vide n. 215.

1241. Ubi processio SS. Sacramenti in ejus festo die, vel per Octavam ea, qua decet, solenni pompa nequiverit haberi, designabit episcopus pro suo arbitrio et prudentia unicuique ecclesiae aliquam ex sequentibus Dominicis, in qua celebrata Missa cum commemoratione SS. Sacramenti juxta rubricam praescriptam formam solennis illius processio peragi possit, S. R. C. 8 Martii 1749, in Lisbonen.: Ea

qua decet solempni pompa: id est præcedente cruce hastata, etc., de quo vide num. 1150. Celebrata Missa: currenti cum colore festo, seu Officio conventi. Vide n. 641, 1157 et 1255.

1242. Exorto dubio in ecclesia parochiali et collegiata S. Jacobi de Luprio civitatis Venetiarum, an liceat die 2 Augusti celebrari festum S. Petri ad Vincula, prout ab antiquo tempore consuevit, eo quod præcedenti die perpetuo occurrat Octava S. Jacobi apostoli ejusdem ecclesie titularis, an potius recitandum sit Officium S. Hermolai, quod paucis abhinc annis in diocesi Venetiarum sub ritu semiduplici affixum fuit diei secundæ Augusti. Pro parte capituli diætæ ecclesie S. R. C. humillime supplicatum fuit, quatenus dignaretur declarare, nedum quid in subjecto casu sit faciendum, verum etiam an possit assignari semiduplex infra Octavam non privilegiatam. Responsum fuit ad primum: Die 2 Augusti agendum esse in diætæ ecclesia S. Jacobi de Luprio Venetiarum de festo S. Petri ad Vincula. Ad secundum: Festum semiduplex a sua die perpetuo amotum celebrari deinceps potest infra Octavam non privilegiatam in die ipsi assignanda, tanquam sede illius fixa, juxta decretum diei 28 Novemb. 1744, in Perusina. Eadem sac. R. C. 19 Apr. 1749, in una Venetiarum. Prout ab antiquo tempore consuevit: ad hanc petitionem decretum fuit, fieri de festo S. Petri ad Vincula, cum non sit regulariter amplius amovendum Officium (quod erat jam perpetuo impeditum) a die assignata, eo quia nunc vel postea assignaverit Ordinarius, aut etiam sac. R. C. eandem diem alicui Officio, sed firmam et propriam sedem jam primum adeptum sit. Vide n. 879, 895 et 1256. Decretum vero de celebrando Officio semiduplici, perpetuo impedito, infra Octavam non privilegiatam, habes sub n. 1195, una cum alio n. 1184.

1245. Instructio pro oratione Quadragesima Horarum Romæ jussu fel. rec. Clementis XI, primum edita, extra Urbem non obligat; laudandi tamen, qui se illi conformare student, nisi aliud ab ordinariis locorum statutum sit, sac. R. C. 12 Julii 1749, in uno cong. S. Philippi Neri civitatis Palavinæ, Clem. XI primum edita: deinde ab aliis Summis Pontificibus ordinata, signanter die 1 Septemb. 1756, cujus initium: *Essendo state fatte.*

1244. An presbyteri ordinandi statim ab initio, vel solum a *Suscipe, sancte Pater*, etc., debeant inchoare Missam cum celebrante, et ordinante episcopo Responsum fuit, teneri solum a *Suscipe, sancte Pater*, sac. R. C. 20 Septemb. 1749, in una Javarinen. in Hungaria. Vide num. seq.

1245. An presbyteri ordinandi debeant legere Missam stantes, vel in terram genuflexi. Responsum fuit negative ad primam, affirmative ad secundam partem, sac. Rit. congreg. 20 Septemb. 1749, in Javarinen. in Hungaria. Vide n. ant. et seqq.

1246. An presbyteri ordinandi omnes illas, quas episcopus ordinans in Missa facit, actiones debeant facere, adeoque an ii presbyteri debeant cruces manus super oblata peragere, an genuflectere, etc., an denique omnia illa, que episcopus sub sacrificio agit, agere. Similiter idem quaeritur de episcopo consecrando. Responsum fuit ad primam, negative; ad secundam, servandum esse Pontificale Romanum, sac. R. C. 20 Septemb. 1749, in Javarinen. in Hungaria. Vide n. ant. et seq. Servandum esse Pontificale Romanum: in quo præscribitur: *Dicto Offertorio, consecrator sedet cum mitra in faldistorio, ante medium altaris. Et consecratus veniens ex sua capella, inter assistentes episcopos medius coram consecratore genuflectit, et illi offert duo intortitia accensa, duos panes, et duo baruta vino plena, et consecratoris prædicta recipientis manus reverenter osculatur. Demde consecrator lavat manus, et accedit ad altare, consecratus citam ad posterius cornu epi-*

*stolæ altaris ejusdem accedit, et ibi stans medius inter episcopos assistentes, ante se habens Missæ suam, simul cum consecratore dicit et facit omnia, prout in Missali. Et ponatur una hostia consecranda pro consecrante, et consecrato, et vinum consecrandum in calice, sufficiens pro utroque. Pont. Rom. p. 1 tit. de Consecrat. electi in episcopum. Vide n. ant. et seq.*

1247. An presbyteri ordinandi postquam sunt de corpore D. N. J. C. communicati, debeant de illo calice, quem in ordinatione sua tetigerunt, ablationem sumere. Responsum fuit non esse necesse, sac. R. C. 20 Septemb. 1749, in Javarinen. in Hungaria. Ablationem sumere: non in calice, quo Pontifex celebravit, sed in alio cum vino, Pontif. Rom. par. 1, tit. de Ordinat. presbyter. Vide num. antec.

1248. Cum Sabbato Sancto unica tantum in quavis ecclesia Missa cantata admittatur, an episcopus in privata capella, vel in oratorio possit ordinationem sub Missa lecta servare. Et quatenus affirmative, an debeat post communionem idem episcopus pro Vesperis, *Alleluia, Vespere autem*, etc. *Laudate Dominum, Magnificat*, etc., dicere. Responsum fuit, ad mentem, sac. Rit. congreg. 20 Septembris 1749, in Javarinen., in Hungaria. Vide num. 1165 et 1168.

1249. An episcopi non habentes facultatem specialem licentiam concedendi in oratoriis privatis, et capellis pro sæcularibus et aliis, legendi Missam, possint licentiam dictam petentibus concedere. Responsum fuit negative, sac. R. C. 20 Septemb. 1749, in Javarinen. in Hungaria: Negative: et hæc facultas spectat ad Papam, ex constit. Bened. XIV. 2 Julii 1751, quæ incipit: *Magno cum animi nostri.* Vide num. 620.

1250. Cum in rubricis de sacramento Confirmationis dicatur: *Aduli seu alii majores ponant pedem suum super pedem dexterum patris sui: quaeritur, an sufficiat, si patrinus ponat manum dexteram super humerum dexterum confirmandi.* Responsum fuit, sufficere, S. R. C. 20 Septemb. 1749, in Javarinen. in Hungaria. Vide num. sequent.

1251. An confirmandus tempore Confirmationis, quando episcopus dicit: *N. Signo te signo crucis*, etc., præter nomen suum baptismale, possit aliud nomen sancti sibi imponi curare. Responsum fuit, posse, S. R. C. 20 Septemb. 1749, in Javarinen., in Hungaria.

1252. *Il compositore del calendario per i religiosi e religiose di S. Francesco, sotto l'obbedienza del ministro generale di tutto l'ordine Serafico, umilmente espone, come leggendosi nel Rituale del Merati alla sezione 3, capitolo 4, de festo simplici, citato un decreto del di 22 Gennaio 1753, col quale la sacra Congregazione assegna a S. Teodore martyre di rito semplice, per i Padri Minori Conventuali, il giorno 12 Novembre, per l'impedimento perpetuo della Dedicazione della basilica Costantiniana, celebrata da essi sotto rito di prima classe, e per le monache del terzo Ordine di S. Francesco, quali celebrano S. Elisabetta d'Ungaria sotto l'istesso rito, come Padrona principale, si assegna a S. Pontiano, Papa e martyre, il giorno 20 dell'istesso mese; ma non trovandosi tal decreto nel registro della Segreteria, supplica l'EE. VV. a dichiarare, se si debba tale decreto osservare tanto dalle suddette religiose, quanto per altre diverse chiese dell'ordine, nelle quali occorrono molti Santi del detto rito perpetuamente impediti, ovvero si debba nelle dette chiese lasciare totalmente la memoria di essi santi, tanto più, che la rubrica generale, dove al titolo decimo de Translatione festorum, si legge al num. 8. Eo anno de eo non fit amplius, paria dei santi semplici impediti dalle feste di prima classe mobili? Che della grazia, etc. Et sacra congregatio, re mature*

discussa ad relationem eminentissimi et reverentissimi D. cardinalis Tamburini ponentis sanctæ memoriæ, rescribendum censuit: Si festum simplex perpetuo impediatur ob occurrenceam duplicis primæ classis, non esse ad aliam diem transferendum juxta rubricas, S. R. C. die 18 Jul. 1750, in una ord. Min. S. Francisci. Vide num. 1217.

1255. Regulares degentes in civitate tenentur ad Officium Dedicacionis cathedralis sub ritu secundæ classis, extra civitatem et per totam diocesim non tenentur, neque ad recitationem Officii in die festo, S. R. C. die 29 Jan. 1752, in una ordinis Carmelitarum Discalceatorum provincie Polonie. Officium Dedicacionis cathedralis fit a Regularibus et Monialibus in civitate sub ritu duplici secundæ classis sine Octava, et similiter a Sæcularibus in diocesi. Vide num. seq. et alios ibi notatos.

1254. Cum in omnibus diocesisbus regni Polonie, et magni ducatus Lithuanie, Officio Dedicacionis ecclesie cathedralis assignata sit dies Dominica in perpetuum, et in eadem Dominica recitetur quotannis, utrum aliquando apud Regulares, occurrente in illa Dominica alio festo altioris ritus, vel dignitatis, debeat prædictum Officium Dedicacionis ecclesie cathedralis apud Regulares transferri in aliam diem non impeditam, etiam ultra duas septimanas, an omitti juxta decretum S. R. C. emanatum anno 1653, 20 Martii. Et insuper utrum cedere debeat prædictum Officium Dedicacionis ecclesie cathedralis Officio solemniori alicujus religionis occurrenti eadem die Dominica sub eodem ritu. Ad primam ejusdem dubii partem responsum fuit, transferendum esse ad primam diem non impeditam; ad secundam vero, servari rubricam x Breviarii Romani de concurrentia festorum num. 2, S. R. C. die 29 Jan. 1752, in una ordinis Carmelitarum Discalceat. provincie Polonie: Servari rubricam x Breviarii; in qua legitur sub num. 6: *Si duo vel plura festa novem lectionum simul eodem die veniant, fiat Officium de majori, id est, de duplici, et semiduplici transferantur. At si omnia fuerint duplicia, fiat de digniori, seu solemniori, et que minoris solemnitatis sunt, transferantur, Rub. Brev. citat.* Inter festa autem æqualis solemnitatis qualis ordo præcise attendatur vide num. 522. Decretum vero in præsentem lege signatum sub num. 555, ut omittatur Officium Dedicacionis, non est considerandum circa Officia de præcepto recitanda, inter quæ hoc festum considerari debet, ut in n. 1278, sed de illis duntaxat gratiose concessis. Vide num. 989, 1258 et 1257.

1255. Dum fit expositio Sanctissimi Sacramenti ratione solemnitatis ad populum in Dominicis privilegiatis, vel aliis festis, in altari majori, ubi est expositum publice sacramentum, si celebretur Missa diei, celebrari debet cum paramentis festo seu Officio convenientibus, scilicet non est adhibendus color albus, uti competens solemnitati ratione expositionis, nec etiam violaceus, S. R. C. 29 Jan. 1752, in una ordinis Discalceat. Carmelitarum provincie Polonie: Ubi est expositum publice sacramentum, si celebretur, propter necessitatem intellige; ait enim Cæremoniales: *Non incongruum, sed maxime decens esset, ut in altari, ubi Sanctissimum Sacramentum situm est, Missæ non celebrarentur, quod antiquitus observatum fuisse videmus. Cærem. episc. lib. 1, cap. 12, num. 9.* Vide num. 641, 1157 et 1241. Missa vero solemnitas quando rite celebrari possit. Vide num. 481 et 1226.

1256. Cum in provincia Polona et Lithuana ob occurrenceam in perpetuum cum festo S. Stanislai episcopi martyris patroni principalis ex die 8 Maii Officium Apparitionis S. Michaelis archangeli translatum in diem decimam Maii tanquam propriam recitaretur, quaeritur, utrum nunc, cum sacra Rituum congregatio Officio S. Antonini de præcepto semiduplici eandem diem decimam Maii assignaverit

pro universali Ecclesia, debeat cedere Officium Apparitionis S. Michaelis archangeli ad uniformitatem Officii S. Antonini: Et responsum fuit: Officium jam translatum Apparitionis S. Michaelis archangeli ob occurrenceam festi S. Stanislai episcopi martyris, quod in Polonia sub ritu duplici primæ classis celebratur, et perpetuo assignatum diei 10 Maii, non erit ulterius amovendum propter Officium S. Antonini episcopi eo die in Ecclesia celebrandum, sed firmo remanente Officio Apparitionis, illud S. Antonini transferatur in primam diem non impeditam, S. R. C. 29 Jan. 1752, in una ordinis Carmelitarum Discalceat. provincie Polonie: Non erit ulterius amovendum, assignatio enim non est translatio, sed propria sedes festi illius regulariter reputatur, et ideo decretum hoc est generale. Vide num. 879, 895.

1257. Utrum occurrente aliquando festo altioris ritus in Dominica secunda post Pascha, in qua ex indulto sacre Rituum congregationis recitatur in Polonia Officium affixum huic Dominice Sanctissimi Sepulcri, debeat prædictum Officium SS. Sepulcri transferri in aliam diem non impeditam, an omitti juxta decretum anni 1685, 20 Martii emanatum. Responsum fuit: Officium SS. Sepulcri, si occurrerit festum altioris ritus, non erit ad aliam Dominicam transferendum, sed prorsus omittendum, S. R. C. 29 Januar. 1752, in una ordinis Carmelitarum Discalceat. provincie Polonie: Sed prorsus omittendum, quia ex indulto, non ex præcepto recitatur, juxta decretum 20 Martii 1685 hic enuntiatum, quod exstat sub num. 555. Vide num. 989, 1258 et 1255.

1258. Etsi cum maxima solemnitate, et concursu populi, cantetur ab immemorabili tempore, in Adventu Domini, singulis diebus Missa votiva beatæ Mariæ Virginis, quæ vocatur *Rorate*, instituta etiam a concilio provinciali, ut est in regno Polonie, a Paulo V Papa approbata, non est tamen recensenda inter Missas votivas pro re gravi, vel pro publica causa, sed haberi duntaxat poterit ut mera populi devotio, S. R. C. 29 Januar. 1752, in una ordinis Carmelitar. Discalceat. provincie Polonie: Singulis diebus, exceptis solemnioribus festivitibus. Novem dies vero ante Nativitatem Domini sunt privilegiati, ubi adest consuetudo et concursus in quibus quotidie, etiam diebus solemnibus, unicam Missam cantare votivam cum *Gloria* et *Credo* non negatur. Vide num. 548 et 1189.

1259. Utrum ex præscripto fundatorum et institutione eorumdem possit dici Missa de Assumptione, Purificatione, Conceptione beatæ Mariæ Virginis in Sabbatis, vel aliis feriis per annum non impeditis festo duplici. Responsum fuit: Non sunt violandæ rubricæ imperitorum laicorum causa, et ideo petentibus Missam votivam de Assumptione, etc., fiet satis celebrando unam ex Missis votivis beatæ Mariæ Virginis juxta temporis occurrenceam, S. R. C. 29 Jan. 1752, in una ordinis Carmelitarum Discalc. provincie Polonie: Fiet satis, sed contra rubricas forte non agitur, si votiva Missa recitetur de Septem doloribus beatæ Mariæ Virginis, ut eruitur ex Missali Romano de eodem festo in mense Martio. Infra Octavam vero alicujus festivitatis, licet non fiat Officium de S. Maria, erit congruenter ejus votiva de Octava sine *Gloria* et *Credo*. Vide num. 1285.

1260. Cum in regno Polonie ab immemorabili consuetudine recitetur 28 Septembris Officium sancti Wenceslai martyris sub ritu duplici minori, et sub eodem similiter ritu duplici minori recitetur 5 Martii Officium Translationis ejusdem sancti Wenceslai martyris, utrum licite tolerari possit, ut festum principale, et ejus Translatio sub eodem ritu celebraretur, sicut in Magno Ducatu Lithuanie Officium S. Adalberti, et eus Translatio, et an debeat cessari a recitatione Officii Translationis S. Wen-